

KINGDOM WOK BLONG YUMI

JULAE 2013

WIK WE I STAT LONG 8 JULAE

Singsing 43 Mo Prea

❑ Baebol Stadi Blong Kongregesen:

fy japta 5 ¶16-23, bokis pej 61 (30 minit)

❑ Tiokratik Skul:

Baebol ridim: Ol Wok 15-17 (10 minit)

N. 1: Ol Wok 16:16-34 (no bitim 4 minit)

N. 2: ?Wanem i Hapen Long Man Taem Hem i Ded?—fg pej 12, kwestin 2 (5 minit)

N. 3: ?Wanem Ol Tingting Blong God Long Baebol We Oli Mas Lidim Yumi Blong Jenisim Stael Blong Klos Mo Hea Blong Yumi?—lv pej 55-57 haf 11-15 (5 minit)

❑ Miting Blong Kingdom Wok:

Singsing 75

10 minit: Ol Rod BLong Talemaot Gud Nius—Lidim Ol Man Oli Kam Long Ogenaesesen Blong Jehova. Tok we i stanap long Kingdom Wok blong Je-nuware 2007 pej 5 haf 7 kasem haf 9 (Organized buk pej 99 haf 2 kasem pej 100 haf 1.) Yu askem long ol brata mo sista blong oli tokbaot olsem wanem oli yusum buklet ya ?Hu i Stap Mekem Samting We Jehovah i Wantem?, blong lidim ol Baebol stadi blong olgeta, oli kam long ogenaesesen.

10 minit: Yu Traem Trastem Jehovah Mo Bambae Yu Luk We Yu Kasem Plante Gudgudfala Samting We i Plante We i Plante (Mal. 3:10) Yu askem kwestin long tu no tri fultaem paenia. Yu askem long olgeta se: ?Wanem samting we i mekem se oli glad moa long wok blong paenia? ?Wok ya i givhan long olgeta blong fren gud wetem Jehovah olsem wanem? Yu save askem long olgeta tu blong oli tokbaot sam samting we i mekem olgeta oli glad tumas. Blong finisim tok ya, yu leftemap tingting blong ol publisa blong oli joen long wok blong fultaem paenia stat long manis blong Septemba.

10 minit: "Yumi Mas Folem Eksampol Blong Profet Joel." Kwestin mo ansa.

Singsing 54 Mo Prea

Yumi Mas Folem Eksampol Blong Profet Joel

¹ ?Profet Joel hem i hu? Joel hem wan i talem se hem i "pikinini blong Petuel." (Joel 1:1) Profet ya i gat tingting daon. Hem i pulum tingting blong man

1. ?Long wok blong prij, olsem wanem yumi save folem fasin blong Joel blong gat tingting daon?

i go long mesej we hem i stap talemaot. Be hem i no pulum ol man, blong oli tinghae long hem olsem man blong talemaot gud nius. Long sem fasin, taem yumi stap prij, i nogud we yumi traem pulum ol man blong leftemap yumi. Defren olgeta, yumi mas pulum ol man blong oli leftemap Jehovah mo tok blong hem Baebol. (1 Kor. 9:16; 2 Kor. 3:5) Antap long samting ya, ol tok we yumi stap talemaot oli givim paoa long yumi blong mekem yumi strong. ?Wanem fasin blong profet Joel we i save givhan long yumi, blong yumi gat strong tingting mo yumi gat hop?

2 'Dei Blong Jehovah i Kam Klosap Finis.' (Joel 1:15): Ol tok ya oli raetem longtaem finis, mo naoia yumi stap laef long taem ya, we i no longtaem dei blong Jehovah bambae i kamtru. Tede yumi luk se wol i stap kam moa nogud, ol man oli no tingbaot nara-fala, mo ol man oli stap jikim yumi from bilif blong yumi. Olgeta samting ya oli pruvum klia se yumi stap long en blong rabis fasin blong wol ya. (2 Tim. 3:1-5; 2 Pita 3:3, 4) Taem yumi tingbaot se en i klosap, hemia i mas pulum yumi blong putum wok blong prij fasbles long laef blong yumi.—2 Pita 3:11, 12.

3 'Jehova Nomo i Sefples Blong Ol Man Ya Blong Hem' (Joel 3:16): Vas ya i tokbaot se heven mo wol tufala i seksek. Hemia i minim jajmen blong Jehovah long taem blong bigfala trabol long fiuja. Yumi glad tumas blong save se long taem ya, Jehovah bambae i sevem ol man blong hem we oli holemstrong long hem. (Rev. 7:9, 14) Sipos yumi joen moa long wok blong prij, bambae yumi luk se Jehovah i stap givhan long yumi. Ale, samting ya bambae i mekem se bilif blong yumi i kam strong moa, mo bambae yumi naf blong stanap strong long taem blong bigfala trabol.

⁴ Ol man oli tingbaot mesej blong Joel olsem wanem blong trabol nomo. Be mesej ya i mekem ol man blong God oli glad from we oli save se Jehovah bambae i sevem olgeta. (Joel 2:32) Olsem long Joel 2:23 i talem se: "Yufala i mas harem gud, mo yufala i mas glad from olgeta samting ya we mi mi mekem from yufala." Taswe, naoia we yumi stap wet long dei ya blong Jehovah i kamtru, yumi no mas fraet, mo yumi mas gat strong tingting blong talemaot gud nius.

2. ?Taem yumi tingbaot we en i klosap, bambae yumi mekem wanem?
3. ?From wanem i impoten blong prij moa naoia?
4. ?Taem yumi stap wet blong dei ya i kamtru, from wanem yumi mas glad, mo yumi mas gat strong tingting?

WIK WE I STAT LONG 15 JULAE

Singsing 48 Mo Prea

❑ Baebol Stadi Blong Kongregesen:

fy japta 5 ¶24-28, bokis pej 63 (30 minit)

❑ Tiokratik Skul:

Baebol riding: Ol Wok 18-21 (10 minit)

N. 1: Ol Wok 20:17-38 (no bitim 4 minit)

N. 2: ?Ol Dedman Oli Save Toktok Long Yumi?—fg pej 13, kwestin 3 (5 minit)

N. 3: ?Olsem Wanem Blong Mekem Ae Blong Yumi i Klia Gud?—lv pej 58-59 haf 16-17 (5 minit)

❑ Miting Blong Kingdom Wok:

Singsing 92

10 minit: Yu Traem Kasem Hat Blong Baebol Stadi Blong Yu. (Luk 24:32) Tok watem sam kwestin mo ansa: 1. Taem yu stap mekem Baebol Stadi, ?from wanem i impoten we yu makemgud se, (1) Jehovah i lavem ol man mo hem i waes? (2) ?Yumi mas follem ol rul blong Baebol? (3) ?Yumi mas faenemaot tingting blong Jehovah bifo we yumi mekem desisen long wan samting? 2. ?Olsem wanem ol kwestin we oli kam biaen oli save givhan long yu, blong kasem hat blong hem? (1) ?Olsem wanem? ?Yu ting se yu save mekem olsem? (2) ?Yu ting se hemia i laenap wetem tingting blong God ya we i lavem ol man? (3) ?Yu ting se wanem frut i save kamaot taem yumi folem ol advaes ya?

20 minit: “Ol Yangfala Brata. ?Yufala i Wantem Mekem Wok Long Kongregesen?” Kwestin mo ansa. Yu save askem long wan elda no wan man blong givhan we i kasem wok taem hem i yangfala nomo. Yu save askem long hem se: ?Wanem ol wok mo trening we yu kasem bifo we yu kam man blong givhan? ?Ol brata mo sista long kongregesen oli mekem wanem blong givhan long yu blong yu gohed gud long trutok? ?Naoia we yu mekem wok ya, wanem ol blesing we yu kasem?

Singsing 85 Mo Prea

Ol Yangfala Brata. ?Yufala i Wantem Mekem Wok Long Kongregesen?

¹ “Sipos wan man i wantem mekem wok . . . man ya i wantem wan gudfala wok.” (1 Tim. 3:1, NW) Ol gudfala tok ya oli givhan long ol brata blong oli kasem ol mak we Baebol i talem se wan brata i mas kasem, blong hem i save mekem wok long kongregesen. ?Olsem wanem? ?Yu yu mas wan bigman blong yu save mekem wok long kongregesen? Sipos yu yu wan yangfala mo ol elda oli givim sam wok long yu, i gud we yu gat fasin ya blong wantem mekem wok. Long rod ya, yu yu stap trenem yu wan mo yu stap soemaot se yu naf blong kasem mak ya blong kam man blong givhan taem yu kam bigman. (1 Tim. 3:10) Sipos yu yu wan yangfala brata we yu baptaes finis, ?yu save mekem wanem blong yu mekem moa wok long kongregesen?

² **Yu Mas Rere Blong Lego Samting We Yu Nomo Yu Wantem:** Yu mas tingbaot se yu wantem mekem wan gudfala **wok**, be i no blong gat wan hae nem. From samting ya, yu mas wantem blong givhan long ol Kristin brata mo sista blong yu. Wan rod blong mekem olsem hemia blong folem gudfala eksapol blong Jisas. (Mat. 20:28; Jon 4:6, 7; 13:4, 5) Yu askem long Jehovah blong i givhan long yu blong yu save soemaot se yu intres long ol narafala. (1 Kor. 10:24) ?Olsem wanem yu save soemaot se yu rere blong lego samting we yu nomo yu wantem? Yu save givhan long ol brata mo sista we oli olfala mo we oli no moa strong from we oli stap siksik. Yu save givhan blong katem gras, klinim ol windo, mo mekem ol narafala wok long Haos Kingdom. Yu save rere blong tekem ples blong narafala, blong givim tok long miting blong Tiokratik

1. ?Wetaem wan yangfala brata i save stat blong folem tok ya long 1 Timoti 3:1?
2. ?Wanem i save givhan long yu blong gat fasin ya blong lego samting we yu nomo yu wantem? ?Mo yu save soemaot fasin ya olsem wanem?

I gat plante niuwan oli stap kam long trutok. From samting ya, i nidim moa brata we oli bigman long ol Kristin fasin, blong oli mekem ol wok long kongregesen

Skul. Yes, taem yu mekem olsem, bambae yu luk se yu glad bigwan from we yu stap givim taem mo paoa blong yu blong givhan long ol naraafala.—Wok 20:35.

³ Yu Mas Fren Gud Wetem Jehova: I impoten moa we olgeta we oli mekem ol wok insaed long kongregesen oli bigman long ol Kristin fasin, i bitim we oli gat gudhan blong mekem samting. Wan man we i bigman long ol Kristin fasin, hem i tingbaot ol samting olsem we Jehova mo Jisas tufala i tingbaot. (1 Kor. 2:15, 16) Hem i soemaot ol fasin we oli olsem frut blong spirit. (Gal. 5:22, 23) Hem i putum ol wok blong kingdom fas ples long laef blong hem mo hem i wok strong long wok blong talemaot gud nius. (Mat. 6:33) Yu save wokem ol Kristin fasin, taem yu gat wan gudfala program blong stadi yu wan. Hemia i min se yu mas ridim Baebol evridei, yu mas ridim ol haf blong *Wajtaoa* mo *Wekap!*, mo yu mas rerem ol miting blong yu mo go long ol miting ya. (Sam 1:1, 2; Hib. 10:24, 25) Pol i leftemap tingting blong Timoti blong gohed long trutok. Hem i talem se: "Yu mas lukaotgud long . . . ol tok we yu stap tijim man long hem." (1 Tim. 4:15, 16) Yes, yu mas traehad blong mekem gud ol tok blong yu long Tiokratik Skul. Yu mas rere gud bifo yu go prij, mo yu mas joen oltaem long wok blong prij. Yu mas traehad blong kasem ol mak olsem, paenia, wok long Betel, mo blong joen long Baebol Skul Blong Ol Brata We Oli No Mared. Taem yu bigman long ol Kristin fasin, samting ya bambae i givhan long yu blong yu no "folem ol krangke fasin blong ol yangfala, we oli wantem tumas ol samting we i no stret."—2 Tim. 2:22.

⁴ Man i Mas Trastem Yu Mo Yu Holemstrong Long Jehova: Long taem blong ol aposol, i gat sam brata we wok blong olgeta i blong seremaot kakae long ol Kristin we oli nidim kakae. Ol brata ya oli "gat gud nem long fes blong ol man." Oli ol man we naraafala i save trastem olgeta mo oli holemstrong long Jehova. From samting ya, ol aposol oli no moa wari long wok blong seremaot kakae, be oli save putum tingting blong olgeta long wok we i impoten moa, hemia blong talemaot tok blong God. (Wok 6:1-4) Long sem fasin, taem ol elda oli givim wan wok blong yu mekem long kongregesen, yu mas traehad blong mekem gud wok ya. Yu mas folem fasin blong

3. ?From wanem i impoten blong kam bigman long ol Kristin fasin? ?Ol brata oli save mekem wanem blong kam bigman long ol Kristin fasin?

4. ?Fasin ya we man i trastem yumi mo yumi holemstrong long Jehova, i impoten olsem wanem?

Noa, we hem i folemgud ol save we Jehova i givim long hem, blong hem i save olsem wanem blong wokem bigfala sip (Jen. 6:22) Yes, Jehova i tinghae long man we i holemstrong long hem, mo i soemaot long ol wok blong hem se hem i bigman long ol Kristin fasin.—1 Kor. 4:2; yu lukluk bokis ya, "Gudfala Samting We i Kamaot From Trening."

⁵ Baebol i bin talemaot se Jehova bambae i spidimap wok ya blong hivimap ol man blong hem. Profet tok ya i stap kamtru tede. (Aes. 60:22) Evri yia, i gat 250,000 man oli baptaes. I gat plante niuwan oli stap kam long trutok. From samting ya, i nidim moa brata we oli bigman long ol Kristin fasin, blong oli mekem ol wok long kongregesen. Yes, i gat plante moa wok tede i bitim bifo, blong mekem long ogenaesesen blong Jehova. (1 Kor. 15:58) Ol yangfala brata, ?yufala i wantem mekem wok? Sipos yes, !yufala i wantem wan gudfala wok!

5. ?From wanem ol yangfala brata oli mas wantem mekem wok?

Gudfala Samting We i Kamaot From Trening

Taem ol elda oli givim wok long ol yangfala brata mo oli trenem olgeta, samting ya i givhan long ol yangfala ya. Afta long miting, wan eria elda wetem wan pablisa, tufala i stap sidaon long fored blong stej, mo elda ya i stap talem ol gudfala tok blong leftemap tingting blong pablisa ya. Be elda ya i luk wan yangfala boe i kam stanap klosap long tufala, ale, elda ya i askem long yangfala ya sipos hem i stap wet blong toktok wetem hem. Yangfala boe ya i talem se nogat, be hem i stap wet blong klinim stej. Hemia wok we ol elda oli givim long hem blong mekem evri taem, afta we miting i finis. Papa mo mama blong boe ya oli stap rere blong gobak long haos, be yangfala boe ya i no wantem gobak yet, from we hem i wantem finisim gud wok blong hem fastaem. Ale, eria elda ya i kamaot long stej mo i letem we yangfala ya i mekem wok blong hem. Eria elda ya i talem se: "Ol elda long kongregesen ya oli givhan mo oli trenem gud ol yangfala brata, taem oli givim ol wok blong oli mekem long kongregesen. Fom samting ya, taem mi kam visitim kongregesen ya, i isi nomo blong ol elda ya oli talem long mi, weswan yangfala brata we i naf blong mekem wok olsem man blong givhan long kongregesen."

WIK WE I STAT LONG 22 JULAE

Singsing 22 Mo Prea

□ Baebol Stadi Blong Kongregesen:

fy japta 6 ¶1-8 (30 minit)

□ Tiokratik Skul:

Baebol riding: Ol Wok 22-25 (10 minit)

N. 1: Ol Wok 22:17-30 (no bitim 4 minit)

N. 2: ?Hu Bambae i Laef Bakegen?—fg pej 13, kwestin 4 (5 minit)

N. 3: ?Wanem Ya Olgeta Klos Blong Faet We God i Givim?—/v pej 59-61 haf 18-23 (5 minit)

□ Miting Blong Kingdom Wok:

Singsing 41

10 minit: ?Yu Yu Rere From Ol Samting We Bambae Oli Traem Yu Long Skul? Tok wetem sam kwestin mo ansa. Yu askem long olgeta we oli lesin, blong oli tokbaot sam samting we i traem ol yangfala blong yumi long skul. Yu tokbaot olsem wanem ol papa mo mama oli save yusum, *Index*, buk ya *Ol Yangfala Oli Askem*, Websaet blong yumi, mo sam nara fala buk, long taem blong famle wosip blong olgeta. Hemia bambae i givhan long ol pikinini blong oli rere from ol samting we i save traem olgeta mo blong oli save talemaot bilif blong olgeta. (1 Pita 3:15) Yu jusum wan no tu samting we i traem ol yangfala, mo talem sam advaes long buk blong yumi we oli save givhan long olgeta. Yu askem long olgeta we oli stap lesin blong oli talemaot wanem samting we pikinini i save mekem blong talemaot bilif blong hem taem hem i stap long skul.

20 minit: “Ol Niufala Rod Blong Prij Long Pablik Ples.” Kwestin mo ansa. Yu save talem sam plan we kongregesen i bin folem blong prij long ol pablik ples. Maet oli yusum wan tebol no wan nara fala samting olsem, blong soemaot ol magasin blong yumi long ol man.

Singsing 95 Mo Prea

Ol Niufala Rod Blong Prij Long Pablik Ples

¹ Ol fas kristin, oli no prij long ol haos wanwan nomo. Oli prij tu long ol pablik ples. (Wok 20:20) Olgeta oli save se long haos blong God

1. ?Ol fas Kristin oli soemaot wanem gudfala eksam pol?

i gat fulap man i stap, ale oli go long ples ya blong prij long ol man ya. (Wok 5:42) Long Atens, evri dei aposol Pol i go prij long ples blong mekem maket. (Wok 17:17) Tede rod ya we yumi stap folem blong prij long ol haos wanwan, hemia nao rod we i beswan. Be yumi prij tu long ples we ol man oli kam putum trak blong olgeta long hem, long ol stoa, long ples blong spel, long rod, mo long ol nara fala ples tu we yumi mitim ol man long hem. I gud si pos olgeta pablisa oli joen long wok ya blong prij long pablik ples. Mo plante bambae oli gat janis blong joen long tu niufala rod blong prij long pablik ples.

² **Prij Long Ol Taon We Oli Bisi:** Taem yumi ridim 2013 Yearbook, blong yumi, long pej 16 mo 17, yumi luk se stat long Novemba 2011, ol Witnes blong Jehova long bigfala taon ya Niu Yok long Amerika, oli traem niufala rod ya blong prij long pablik ples. Long ol ples long taon we i gat plante man i pas long olgeta, oli putum ol tebol, mo wan troli we i gat wan samting blong putum buk long hem, nao oli stanem ap ol buk long ol defren lanwis antap long tufala. Evri dei, i gat plante taosen man oli stap pas, sam long olgeta oli stap long ol stori haos, sam nara fala, hemia ol man we plante taem oli no stap long haos. Plante man oli laekem ol buk ya. Long manis we i jes pas, ol man oli karem 3,797 magasin mo 7,986 buk. Plante long ol man ya we oli pas long ples ya oli wantem blong stadi long Baebol. Ol brata oli wantem statem plante Baebol stadi. Taswe, taem man i givim adres blong hem long olgeta, kwiktaem nomo oli sanem adres ya i go long kongregesen, blong ol brata mo sista oli go visitim ol man ya.

³ Naoia we oli luk se gudfala frut i kamaot, oli wantem mekem olsem long ol nara fala ples long wol we oli gat ol bigfala taon. Ol branj ofis wanwan bambae oli talemaot taon we i gud blong traem niufala rod ya long hem. Klosap oltaem, oli jusum ol taon we i gat plante ples we ol man oli stap wet long hem blong tekem taksi, bas, tren, mo i gat plante ofis mo stori haos. Hemia nao ol ples we plante man oli stap wokbaot long hem. Branj ofis bambae i raetem wan leta i go long kongregesen we bambae i

2. ?Wanem wok we oli statem long Novemba 2011?

3. ?Oli mekem wok ya i kam bigwan moa olsem wanem?

joen blong mekem wok ya. Mo hem bambae i givim advaes long olgeta olesem wanem blong mekem wok ya. Oli save askem long ol fulataem paenia, ol spesel paenia blong oli mekem wok ya. Mo long sam ples, oli save askem ol haftaem paenia tu blong oli joen long wok ya.

⁴ ?Oli Mekem Wok Ya Olsem Wanem?: Olgeta we oli joen long spesel wok ya, oli wet nomo blong ol man oli kam blong lukluk ol buk long tebol. Oli talem long ol man ya se oli save tekem eniwan long ol magasin no buk we hem i wantem ridim. Sipos man i askem kwesstin, ol paenia ya oli glad blong ansarem kwesstin blong hem. Sipos wan man i tekem buk no magasin, ol paenia oli no mas tokbaot presen mane. Sipos hem i wantem save se yumi kasem mane wea blong mekem wok ya i go hed, oli save eksplenem long hem se sipos hem i wantem, hem i save sanem presen mane ya i go long adres we i stap long ol magasin mo buk ya. Sipos ol pablisa ya oli luk se i oraet, oli save askem long olgeta se: "Yu yu wantem se wan Witnes i kam luk yu long haos blong yu? No maet ?Yu yu save se mifala i stap yusum buk ya blong mekem Baebol stadi long ol man we oli no pem?"

⁵ Olgeta we oli joen long wok ya oli glad tumas. Wan man mo woman blong hem, tufala i talem se: "Taem mitufala i stap stanap klosap long tebol ya evri dei mo mitufala i luk we plante man oli stap pas, mitufala i tingbaot bigfala wok we i stap gohed blong talem-aot trutok long ol man blong ol defdefren ples long wol. Taem mitufala i luk bigfala hip blong ol man ya, mitufala i luksave se Jehova i tingbaot olgeta man wanwan. Mo hemia i mekem se tingting blong mitufala i strong blong gohed blong putum wok blong prij i stap long fasples long laef blong mitufala. Mitufala i tingbaot se Jehova i stap lukluk hat blong ol man ya we oli stap pas, i stap lukaot olgeta we oli stret blong kam man blong hem."

⁶ Plan We Kongregesen Blong Yumi i Me-

4. ?Olsem wanem blong mekem spesel wok ya?
5. ?Wan man mo woman blong hem, tufala i talem wanem we i soemaot se tufala i glad tumas blong joen long niufala rod ya blong prij?
6. (1) ?Wanem plan we plante kongregesen oli mekem blong prij long ol pablik ples? ?Olsem wanem hemia i defren long niufala rod ya blong prij long ol bigfala taon? (2) ?Olsem wanem ol kongregesen oli save wok gud wamples blong prij long ol pablik ples?

kem Blong Prij Long Pablik Ples: Antap long spesel wok ya blong prij long ol bigfala taon, i gat wan nrafala niufala rod blong prij we kampani blong ol elda nomo i mekem plan blong hem. Long plan ya, ol pablisa oli save putum wan tebol long ples we plante man oli pas long hem. Oli save mekem olesem long **teritori blong kongregesen blong olgeta nomo**. Hemia i defren long niufala rod blong prij long ol bigfala taon we branj ofis i jusum ol brata mo sista blong plante ples.—Yu lukluk bokis ya "Yumi Mas Wok Gud Wanples."

Yumi Mas Wok Gud Wanples

Long sam ples, tu kongregesen i prij long semfala pablik ples nomo, maet long rod, long ples blong putum trak, long ol stoa mo long ples blong stopem bus. Samtaem ol pablisa blong tufala kongregesen ya oli stap go putum ol magasin mo buk long sem ples nomo, olesem long ol ples we man i sidaon long hem blong wet long dokta, long hospital, long hotel mo long ol ofis. Samtaem oli prij long ol semfala stoa. Hemia i mekem se ol bisnes man mo ol man we oli laef klosap oli kam kros, from we ol pablisa oli stap pas ol taem. Taswe, taem yumi prij long pablik ples, i moa gud yumi prij nomo **long teritori blong kongregesen blong yumi**.

Sipos ol pablisa oli wantem prij long pablik ples long teritori blong nrafala kongregesen, oli mas talemaot long elda we i lukaot long wok blong prij. Olsem nao, elda ya i save askem long elda we i lukaot long wok blong prij long nrafala kongregesen, blong i givim raet long olgeta blong oli save go prij long teritori ya. Nating se kongregesen blong nrafala lanwis tu i kam prij long sem eria, ol elda we oli lukaot long wok blong prij long ol kongregesen ya oli mas toktok gud long olgeta. Olsem nao, bambae oli no mekem se ol man oli kros long olgeta. Sipos yumi evriwan i wok gud wanples, bambae yumi mekem "olgeta samting long fasin we i stret gud, we ol man oli glad long hem."—1 Kor. 14:40.



⁷ Ol elda bambae oli luk sipos long teritori blong olgeta, i gat ples we fulap man oli stap pas long hem no sipos i gud blong mekem wan plan blong prij long pablik ples no nogat. Maet oli save putum wan tebol long ples blong stopem bus, long ol pablik ples, long ples blong spel, long ol rod we oli bisi, long ol bigfala stoa, long yad blong ol skul, long epot, mo long ol ples we ol man oli kam long hem evri yia blong mekem sam spesel samting. I gud blong putum tebol long sem ples oltaem, long ol semfala dei mo semtaem. Oli luk se taem yu putum tebol long ples we plante stoa oli stap long hem, hemia i gud moa i bitim we yu putum afsaed long wan stoa nomo we ol man oli stap go long hem from wan spesel samting. Long sam narafala ples, olsem ples we ol man oli stap wokbaot long hem, i moa gud blong yusum wan smol tebol nomo we i isi blong muvum. Long Web-saet blong yumi, i gat sam spesel fael we ol elda oli save daonlodem. Ol fael ya oli mekem rere finis i stap, we oli save givhan long yumi blong luk olsem wanem blong

7. ?Weples i moa gud blong putum tebol blong soemaot ol buk blong yumi? ?Wanem plan we ol elda oli save mekem blong prij long ol pablik ples?



soemaot ol *Wajtaoa* mo *Wekap!* mo *Baebol Ti-jim*, taem yumi prij long ol pablik ples. Olgeta bambae oli mekem wok long sem fasin nomo olsem olgeta we oli mekem long ol bigbig-fala taon. Mo olgeta oli mas folem gud advaes blong elda we i lukaot long wok blong prij. Si-pos wan man i wantem save moa, nao i givim adres blong hem long olgeta, be hem i no stap long teritori blong kongregesen blong olgeta, oli mas fulumap pepa ya *Please Follow Up* (S-43) mo givim long sekretari blong kongrege-sen.

⁸ **Taem Yu Prij, i Gud Yu Prij Long Ol Pablik Ples Tu:** Long sam kongregesen, maet oli no gat wan taon we i gat plante man long hem, we oli save putum wan tebol blong soemaot ol magasin mo buk. Nating se i olsem, ol pabbla oli save prij yet long ol pablik ples. ?Olsem wanem? ?I gat wan bigfala stoa long eria blong yu? ?I gat wan ples blong spel we fulap man oli stap go long hem? ?I gat sam ples we ol man oli stap kam long hem blong mekem sam spesel samting? Sipos yes, maet yu gat janis yet blong prij long pablik ples.

⁹ Jehova i wantem “sevem olgeta man, mo i wantem we olgeta man bambae oli save trutok blong hem.” (1 Tim. 2:4) Taswe yumi stap traehad blong talemaot gud nius blong Kingdom long olgeta man bifo we en i kam. (Mat. 24:14) Long plante ples, i no isi blong faenem ol man long haos blong olgeta. Nating se i olsem, yumi save toktok long olgeta yet taem yumi prij long pablik ples. Priy long ol pablik ples, hemia nomo janis we sam man oli gat blong oli harem gud nius. From samting ya, blong finisim olgeta wok ya we God i givim long yumi blong mekem, yumi mas prij long eni ples we yumi faenem ol man long hem.—2 Tim. 4:5.

8. ?Sipos long kongregesen blong yufala, yufala i no save folem tufala rod ya blong prij long pablik ples, ol pabbla wanwan oli save mekem wanem?

9. ?From wanem yumi mas traehad blong prij long eni ples we yumi faenem man long hem?

WIK WE I STAT LONG 29 JULAE

Singsing 51 Mo Prea

❑ Baebol Stadi Blong Kongregesen:

fy japta 6 ¶9-18 (30 minit)

❑ Tiokratik Skul:

Baebol riding: Ol Wok 26-28 (10 minit)

N. 1: Ol Wok 26:19-32 (no bitim 4 minit)

N. 2: ?Laef Bakegen i Soemaot Wanem Fasin Blong Jehova?—fg pej 13, kwestin 5 (5 minit)

N. 3: ?Olsem Wanem Blong Jusum Gud Ol Samting We Yumi Mekem Blong Harem Gud Mo Spel?—lv pej 62-65 haf 1-7 (5 minit)

❑ Miting Blong Kingdom Wok:

Singsing 96

10 minit: Taem Yu Prij, Yu Mas Toktok Long

Prapa Fasin Blong Yu. Tok we i stanap long buk ya *Tiokratik Skul* pej 128, haf 1, kasem pej 129, haf 1. Blong smol taem, yu askem kwestin long wan pablisa we hem i winim fasin blong sem. ?Wanem samting i givhan long hem blong i no moa fræt tumas, taem hem i joen long wok blong prij?

10 minit: Ansa Long Wan Kwestin. Wan elda i mekem tok ya.

10 minit: Yufala i Mas Soemaot We Yufala i Pikinini Blong Papa Blong Yufala Long Heaven. (Mat. 5:43-45) Tok wetem sam kwestin mo ansa we i stanap long buk ya *2013 Yearbook*, pej 89 haf 3, kasem pej 90 haf 1, mo pej 164 haf 2. Yu askem long olgeta we oli stap se oli lanem wanem long ol stori ya.

Singsing 80 Mo Prea

ANSA LONG WAN KWESTIN

■ ?Bifo we wan pablisa i wantem tekem baptaes, hem i mas mekem wanem?

Baptaes, hemia wan impoten desisen we man i mas mekem. Taswe, bifo we wan pablisa i wantem tekem baptaes, hem i mas kاسم save gud ol samting we God i wantem hem blong mekem. Antap long hemia, hem i mas soemaot se hem i gat strong tingting blong folem, ol samting we God i wantem hem blong mekem long laef blong hem.

Ol Kristin oli kasem advaes ya se i nogud we oli lego ol miting. Taswe, wan pablisa we i no baptaes yet, i mas soemaot se hem i stap traehad oltaem blong kam long ol miting blong kongregesen. (Hib. 10:24, 25) Hem i mas glad blong givim ansa long ol miting mo hem i mas goheda blong joen long Tiokratik Skul.

Longtaem finis, Jisas i givim wok long olgeta kristin blong oli mas mekem. Wok ya, hemia blong prij mo blong tijim ol man. Taswe wan pablisa we i no baptaes yet, hem i mas traehad blong joen long wok blong prij, bifo we hem i tekem baptaes. (Mat. 24:14; 28:19, 20) ?Hem i mas prij hamas manis bifo we hem i tekem baptaes? I no gat wan rul long saed ya. Be hem i nidim naf taem, blong soemaot se hem i stap prij oltaem. Mo hem

i mas soemaot se hem i gat strong tingting mo hem i glad blong mekem wok ya oltaem. (Sam 78:37) Blong tekem baptaes, wan man i no nid blong pablisa longtaem. Samtaem man i save prij sam manis nomo, nao i baptaes. ?Hem i mas givim ripot hamas taem, bifo we hem i naf blong tekem baptaes? I no gat wan stret rul long saed ya. Ol elda oli mas tingbaot se ol pablisa wanwan oli defren, mo oli mas luksave sipos pablisa ya i naf blong tekem baptaes no nogat.—Luk 21:1-4.

Ol elda (no man blong givhan long kongregesen, sipos i no gat naf elda) oli mas tingbaot se ol pablisa wanwan oli defdefren. Ale, taem oli askem kwestin blong baptaes long olgeta, oli mas luklukgud sipos hem i naf blong tekem baptaes no nogat. Bambae oli mas luk sipos pablisa ya i rili wantem kam wan Witnes blong Jehova. Oli mas luk se hem i glad blong joen wetem ogenaesesen. Mo oli mas luk tu se hem i glad blong prij. Ol elda oli mas kasem save se, hem i no bigman long spirit yet. Mo, hem i no gat plante save olsem wan pablisa we i stap longtaem long trutok. Sipos ol elda oli luk we hem i no naf yet blong tekem baptaes, long kaen fasin oli save ridim sam Vas long hem, we oli soem-aot from wanem oli tekem desisen ya, mo oli mas leftemap tingting blong hem blong i goheda blong kasem sam moa save blong God.

WIK WE I STAT LONG 5 OGIS

Singsing 77 Mo Prea

❑ Baebol Stadi Blong Kongregesen: fy japta 6 ¶19-25, bokis pej 75 (30 minit)

❑ Tiokratik Skul:

Baebol riding: Rom 1-4 (10 minit)

N. 1: Rom 3:21–4:8 (no bitim 4 minit)

N. 2: ?Kingdom Blong God, Hem i Wanem?
—fg pej 14, kwestin 1 (5 minit)

N. 3: ?Taem Yumi Jusum Samting Blong
Mekem Blong Spel Mo Harem Gud, Wanem
Samting We Yumi No Mas Mekem?
—lv pej 65-66 haf 8-11, mo bokis long pej 67
(5 minit)

❑ Miting Blong Kingdom Wok:

Singsing 79

10 minit: Sam Tingting Blong Seremaot Magasin Long Manis Ogis. Tok wetem sam kwestin mo ansa. Blong wan minit, yu tokbaot from wanem ol magasin ya oli save pulum tingting blong ol man long teritorii blong yufala. Biaen, jusum ol fas stori long *Wajtaoa*, mo askem long ol brata mo sista blong oli talem sam kwestin we i save pulum tingting blong man, mo wanem vas we oli save yusum. Mekem sem mak wetem ol fas haf blong *Wekap!* Sipos i gat taem, yu save tokbaot wan narafala haf blong *Wajtaoa* no *Wekap!* Yu askem long tu brata no sista blong kam antap mo soemaot olsem wanem blong seremaot *Wajtaoa* mo *Wekap!*

10 minit: Lokol nid.

10 minit: ?Yumi Lanem Wanem? Tok wetem kwestin mo ansa. Askem long wan man blong i ridim Luk 5: 27-32. Nao yu tokbaot ol vas ya se oli save givhan long yumi olsem wanem long wok blong prij.

Singsing 119 Mo Prea

Advaes

■ **Julae Mo Ogis:** *Gud Nius We i Kamaot Long God* no wan long ol buklet ya we i gat 32 pej blong hem: ?*God i Rili Kea Long Yumi?*, *Speret Blong Ol Dedman—?Oli Save Halpem Yu No Spolem Yu?* ?*Oli Rili Stap?*, *Taem Wan We Yu Laekem Hem Tumas i Ded.* **Septemba Mo Oktoba:** *Wajtaoa mo Wekap!*

Ol Fastok

Blong Statem Ol Baebol Stadi Long Fas Saredé Blong Manis Ogis

“Klosap evri man we mifala i toktok wetem olgeta oli wantem se i gat pis long wol. Be, faet i stap gohed yet. Long tingting blong yu, ?from wanem man i no naf blong putum pis long wol?” Yu letem man i ansa. Afta, yu soem haf we i stap long pej 10 blong *Wajtaoa* blong Julae-septemba. Biaen, yu tokbaot fashaf we i stap aninit long fas kwestin mo yu ridim wan long ol vas we i stap. Yu givim magasin long hem, mo yu mekem plan blong gobak blong tokbaot ol narafala haf aninit long seken kwestin.

Makemgud: Fastok ya antap bambae yumi mas yusum long miting blong prij, stat long 3 Ogis.

WAJTAOA Julae—Septemba

ITALEMAOT KINGDOM BLONG JEHOVA

?Yu ting se yumi save lanem plante samting long ol stret man mo woman blong bif? [Yu letem man i ansa.] Baebol i tokbaot stret man ya, Noa se ‘oltaem hem i stap fren gud wetem God.’ [Yu ridim Genesis 6:9.] *Wajtaoa* ya i tokbaot from wanem God i luk ‘Noa olsem wan stret man.’ Mo yu talem wanem samting yumi save lanem long fasin blong hem. Yu soem haf we i stap long pej 12.

Wekap! Julae—Septemba

“Sam man oli bilif se Setan i no stap, be hem i wan rabis fasin blong man nomo. ?Wanem tingting blong yu? [Yu letem man ansa. Mo yu ridim Revelesen 12:7-9.] *Wekap!* ya i soemaot samting we Baebol i talem long saed blong Setan.” Yu soem haf we i stap long pej 6.